

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН

ИНДӨД

«Коми Республикаын помилуйтөм серти комиссия йылысь»

Коми Республикаса Юралысьлөн 2002 во урасьом тöлысь 26 лунся

100 №-а Индөдö вежсьöмъяс пыртöм йылысь

Шуа:

1. Пыртны «Коми Республикаын помилуйтөм серти комиссия йылысь» Коми Республикаса Юралысьлөн 2002 во урасьом тöлысь 26 лунся 100 №-а Индөдö вежсьöмъяс содтöд серти.

2. Тайö Индöдыс вынсялö сйöс кырымалан лунсянь.

Коми Республикаса Юралысь

В. Уйба

Сыктывкар

2021 вося косму тöлысь 5 лун

38 №

Коми Республикаса Юралысьлөн
2021 во косму тöлысь 5 лунся 38 №-а Индöд дорö
СОДТÖД

«Коми Республикаын помилуйтöм серти комиссия йылысь»

Коми Республикаса Юралысьлөн 2002 во урасьöм тöлысь

26 лунся 100 №-а Индöдö пыртöм

ВЕЖСЬÖМЪЯС

«Коми Республикаын помилуйтöм серти комиссия йылысь» Коми Республикаса Юралысьлөн 2002 во урасьöм тöлысь 26 лунся 100 №-а Индöдын (водзö – Индöд):

1. Коми Республикаын помилуйтöм серти комиссияö пырысьяс, мый вынсьöдöма Индöдөн (1 №-а содтöд), (водзö – Помилуйтöм серти комиссия):

пыртны Помилуйтöм серти комиссияö пырысьяс лыдö С.И. Габовöс – «Коми войтыр» динмукогтса öтйöза öтмунöмлөн Сыктывкарса представительствоян Олöмö пöртысь комитетö пырысьöс (сёрнитчöмөн), сэтчö пырысьяс лыдысь М.Б. Рогачевöс петкöдöмөн.

2. Коми Республикаын помилуйтöм серти комиссия йылысь положениеын, мый вынсьöдöма Индöдөн (2 №-а содтöд):

1) 1 пункт гижны тадзи:

«1. Коми Республикаын помилуйтöм серти комиссия (водзö – Комиссия) лоö помилуйтöм йылысь ходатайствояс водзвыв видлалöм серти, кутшöмъясöс сетöны Коми Республика мутасын меститчысь мыждöмаяс, а сідзжö кутшöмъяс воисны йöзсянь, кодъяс вештісны ёрдөн индöм мыж да кодъяслөн эм бырöдтöм либö вештытöм судимосьт (водзö – мыждöмаяс), да Коми Республикаса Юралысьлы помилуйтан актөн вöдитчыны коланлун йылысь заключение лöсьöдöм серти пыр уджалысь консультативнöй органөн.»;

2) 2 пунктын «(водзö шусьö – Россия Федерацияса Президентлөн 2001 во öшым тöлысь 28 лунся 1500 №-а Индöд),» кывъяс бöрын содтыны «Россия Федерацияса субъектъяслөн мутасъясын помилуйтöм серти комиссияслөн уджкöд йитчöм öткымын юалöм йылысь» Россия Федерацияса Президентлөн 2020 во öшым тöлысь 14 лунся 787 №-а Индöдö,» кывъяс;

3) 7 пунктын «Россия Федерацияса субъектъяслөн канму власът органъяссиянь содтöд тöдмөгъяс да документъяс, кутшöмъяс колöны материалъяс лöсьöдöм вылö» кывъяс вежны «Россия Федерацияса субъектъяслөн канму власът органъяссиянь да меставывса асвеськöдлан органъяссиянь содтöд тöдмөгъяс да документъяс, кутшöмъяс колöны материалъяс лöсьöдöм да видлалöм вылö» кывъясöн;

4) 9 пунктса мöд абзац киритны;

5) 11 пункт гижны таdzi:

«11. Россия Федерацияын помилуйтöм йылысь ходатайствояс видлалан пöрадок йылысь положениелөн 25 пунктөн вöдитчигөн, мый вынсьöдöма Россия Федерацияса Президентлөн 2020 во öшым тöлысь 14 лунся 787 №-а Индöдөн, выль лоöмторъяс пыдди, кутшöмъяслөн эм ыджыд тöдчанлун помилуйтöм йылысь ходатайство видлалöм вылö, Комиссиялы колö босътны тöд вылö, торйөн нин, мыждöмалысь, сылөн семьяö пырысьяслысь омöль дзоньвидзалун, матыс рöдвужлысь кулöм, семьялысь вывтi сьöкыд материальной положение, сы лыдын пöжар, ойдöдöм понда эмбур бырöдöм да с.в.»;

6) 12 пунктö содтыны татшöм сюрöса сёрникузя:

«Уведомлениекöд öтвыв мыждöмалы бөр сетöны ёрд документъяслысь копияяс да мукöд материал (справка), кутшöмъясöс сийö содтöма помилуйтöм йылысь ходатайство дорö.».